



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Ioannes Hyrcanus Pontif. & Princeps Iudæorum.

urn:nbn:de:hbz:466:1-11490

tifices, vel Reges fuerunt, usque ad Christi nativitatem rerum ordinem digeremus.

- 1 XXXVII. Igitur post Jonathan, *Simon* frater ejus, ut supra dictum est, Hebræis præfuit, ¹ jure Pontificis: id enim ei, ² tum à suis, tum & à populo Romano, honoris ² delatum. Hic cum ³ secundo Demetrii regis anno civibus præesse cœpisset, ⁴ post octo annos, ⁵ insidiis Ptolemæi, ³ circumventus occubuit. Huic ⁶ *Johannes* filius successit: qui cum adversum ⁷ Hyrcanos, gentem validissimam,

egregie

reges, etiam pontifices erant. Sic Simon & qui cum secuti sunt usque ad Aristobulum, cum pontificatu principatum administrarunt. Primus Aristobulus diadema sibi sumpsit: à quo deinde reges & pontifices. *Drusius*. Idem Sigonius.

1 *Jure Pontificis.*] Et principis, vel si eum ducem aut ethnarcham libet appellare, quæ in idem recidunt. Sic vocatur 1 Mach. 15. 1. Σίμωνι ἱερεὶ ἔθναρχῳ τῶν Ἰουδαίων, quæ vetus interpretes convertit, *Simoni sacerdoti & principi gentis Judæorum*. Nam ἔθναρχος princeps gentis. *Drusius*. Vide Fullerum 14. Miscell. 16.

2 *Tum à suis, tum à Populo Romano.*] 1 Machab. xiv. 25. ubi Latina editio, *Populus Romanus*, Græca habet ὁ δῆμος simpliciter. Quod rectius intelligitur de populo Iudæo, quam de populo Romano. Sane historiæ veritas postulat ut hic legamus potius, *tum à suis, tum à regibus*. Nam honos iste delatus ei fuit à regibus, Alexandro & Demetrio 1 Machab. 11. 27. & xiv. 38. *Drusius*. Romani vero quomodo hoc concedere poterant, qui adhuc in Syria nihil juris habebant? Iudæos autem illi socios appellaverunt. *Sigonius*.

3 *Secundo Demetrii regis anno.*] De quo dictum. Atque hic primus ἔθναρχος Simonis est. Τοσούτων δὲ βι' ἢ ἑπταήθης πρὸς τὴν Σιμωνῆα φιλοδοξία, ὥς τ' ἐν τοῖς πρὸς ἀλλήλους συμβολαίοις, καὶ τοῖς δημοσίοις γράμμασιν ἐπι

ἔσθ' ὁμοίως ἔτις γράφειν Σίμων
ἔσθ' ὁμοίως ἔτις γράφειν Σίμων
Joseph. 13. 11.

4 *Post octo annos.*] Si cœpit præesse anno c1xx. ut apparet ex 1 Machab. 15. 14. præfuit duntaxat septem annis. Nam anno c1xxvi. occisus fuit, insidiis generi sui circumventus, 1 Machab. 16. 14. *Drusius*.

5 *Insidiis Ptolemæi circumventus.*] Generi sui, qui vocatur Ptolemæus Abobi F. quem Chronicon templi secundi perperam regem Ægypti facit, historia extat, 1 Mach. 16. 14. *Drusius*. Hinc iterum in pejus labi cœpere res Judaicæ. *Fugus civium, urbium everstones, fratrum, conjugum, parentum neces, aliaque solita regibus ausi.* Tacitus.

6 *Johannes filius successit.*] Secundus natu. Nam Judas & Mathathias interfecti fuerunt una cum patre, 1 Macc. 16. 14. Hunc Johannem Eusebius non semel Jonathan appellat: in quo memoria lapsus mihi videtur. *Drusius*.

7 *Hyrcanos, gentem validissimam.*] Apparet membrum illud, *gentem validissimam*, à Sulpicio ex ingenio additum esse. Ex ingenio, imo ex opinione. Nam opinatus est Eusebium loqui de gente Hyrcanorum, quæ procul aberat à Judæa, ut non sit verisimile Hyrcanum adversus eam gentem bellum gessisse. Quid igitur? Aut loquitur de Hyrcania, vico Palæstinae juxta Judæam; Stephano memorata: aut fallit nos ipse, imbutus falsa opinione de hoc nomine. *Drusius*. Imo militaverat hic Johannes in castris Partho-

egregie pugnasset, ² Hyrcani cognomen accepit. Mortuus est, ³ annos VI. & XX. rerum potitus.

XXXVIII. Post hunc *Aristobulus* Pontifex substitutus, ¹ primus omnium, post captivitatem, ⁴ regium nomen assumpsit, capitique diadema imposuit. Exacto anno, diem fun- ² ctus est. ⁵ *Alexander* deinde, ^{*} filius ejus, rex pariter & pon- ³ tifex

Parthorum Arsacidarum, contra rebelles Hyrcanos bellum gerentium, & inde ei cognomen.

¹ *Egregie pugnasset.*] Johannes Antiochum Sideten in bellum Parthicum secutus est cum auxiliis. *Joseph. 13. 16.* Vide & Petium 1. Eclog. Chronol. vi. Porro Hyrcani in exercitu Parthico, optimi fuere milites. Contra hos pugnasse eo bello Iohannem quid prohibet, atque hinc nomen accepisse? *Horn.*

² *Hyrcani nomen accepit.*] Secutus videtur Eusebium ita scribentem in Chronico suo: *Simoni successit filius Iohannes, qui vicis Hyrcanis, Hyrcani cognomen accepit.* Et, *Iohannes dux Judæorum & pontifex adversus Hyrcanos* (ita legendum: vulgo perperam, *adversus Hyrcanum*) bellum gerens, *Hyrcani nomen accepit, & à Romanis jus amicitie postulans, decreto Senatus inter amicos relatus est.* Sed hæc opinio falsa videtur. Quod eo libentius credo, quia scio alios hoc nomine vocatos, in quibus Hyrcanus filius R. Eliezer filii Hyrcani, & R. Iosua filius Hyrcani. Abben Gorion autor, maximum natu filiorum Simonis, Hyrcanum appellatum fuisse, eoque interempto, idem nomen Iohanni attributum à senioribus Israël. Scribit hoc lib. 4. cap. 27. *Drus.*

³ *Annos VI. & XX.*] Sic Eusebius: sed Iosephus ei tribuit an. xxxi. Hunc Functionis sequitur & Tirinus & alii.

⁴ *Regium nomen assumpsit, capitique diadema imposuit.*] Aristobulus dignitatum paternarum hæres, principatum & ethnarchiam in Regni formam vertens, diadema sibi primus, post captivitatem Babylonicam, imposuit. Ita Iosephus libro jam dicto & vigesimo, Eusebius

etiam, & Nicephorus Patriarcha. Nam tamen in vulgato Nicephori codice Græco (alium præter eum qui in Thesaurio Temporum Scaligeriano habetur non vidimus) præmittitur Aristobulus, in codice tamen Mf. quem supra memoravi, post Iohannem Simonis filium sequitur, *Ἀριστοβουλὸς υἱὸς αὐτοῦ ὃς καὶ Διάδημα βασιλέως περιέθετο μὲν Ἀλεξάνδρου τῷ αὐτῷ μητέρᾳ.* Quod vero adjectum est de Alexandra matre, ex scriptoris oscitantia ibi natum est. Etiam habebatur in Latini interpretis exemplaribus. Huic vero Aristobulo matrem Alexandræ nomine agnoscere non comperio, sed proximo ejusdem nominis, qui Alexandro Iannæo filius minor natu, pontificatum post Alexandræ matris obitum, ut statim dicitur, accepit. *Selden. Iosephus XIII. 19.* *Ἀριστοβουλὸς τῷ δόχλῳ εἰς βασιλείαν μετέστηκεν ὄντας ἐκείνην γὰρ ἔτι καὶ Διάδημα περιέθετο ἐπιπέθει μὲν ὑπερθεμὸν ἔτι καὶ ἑτέρας καὶ μηνῶν γὰρ ἂν τὸ ἀπὸ Βαβυλωνίων δαλείας ἀπαλλαγείσθε ὁ λαὸς, εἰς τῷ οἰκείᾳ ἐπανήλθε.* Diadema autem fascia erat tenuis candidaque, circumdans caput: quam à Libero patre inventam Plinius notavit. *Valerius lib. 6. cap. 2.*

⁵ *Alexander.*] Qui Ebræis 'אנן', id est, Jannæus. Sic etiam Iosephus eum vocat, *Post Aristobuli obitum, inquit, Salome ejus uxor, quam Græci Alexandram nominant, solutis ejus fratribus, quos ipse, ut diximus, vinxerat, Jannæum, qui & Alexander est, regem constituit, ætate cæteros præcedentem atque modestia.* Vide sequentia. Habentur autem lib. 13. Y 3 cap. 20.